

sequitur. Tum insinuatur, ut de pane et aqua benedicta sumant per novem dies, ter de die, scilicet mane jejuni, ante prandium et ante coenam: deinde orent singulis his diebus *semel Credo et novies Pater et Ave*, et his novem diebus suscipiant interea Ss. Sacramenta Poenitentiae et Eucharistiae et singulis annis festum S. Huberti venerentur ut praecipuum, offerant ad altare, osculentur sacras reliquias et sic abeant in pace.

Benedictio aquae, salis et panis

in honorem S. Huberti contra morsum rabidi canis tam pro hominibus quam jumentis in ecclesia olim parochiali B. M. V. in pasculo ac Sacello S. Huberti in praesentia Reliquiarum ejusdem S. Episcopi usitata.

Exorcismus aquae.

V. Adjutorium nostrum in nomine Domini.

R. Qui fecit caelum et terram.

Exorcizo te creatura aquae, in nomine Patris ✠ omnipotentis et in nomine Jesu ✠ Christi Filii ejus et in nomine Spiritus ✠ sancti, ut omne virus rabiæ et omnis spiritus immundus et incursio satanæ superetur et expellatur, et ut fias aqua exorcizata ad expellendam et effugandam rabiem et venenum ejus, et omnem morbum tam hominum quam pecorum et invidiam malorum spirituum atque omne phantasma inimici, et ut ipsum virus rabiæ et stabiliter ipsum inimicum eradicare valeas, per virtutem Domini nostri Jesu Christi, qui venturus est judicare vivos et mortuos et saeculum per ignem. **R.** Amen.

Exorcismus salis.

Exorcizo te creatura salis per Deum ✠ vivum, per Deum ✠ verum, per Deum ✠ sanctum, per Deum totius creaturæ, ut efficiaris sal exorcizatum ad evacuandam et expellendam rabiem et omne virus ejus, inimicumque et omnem virtutem ejus atque etiam omnem morbum tam hominum quam pecorum, quæ necessitatibus humanis dignatus es donare, ut possint salva ad usus necessarios pro-

ficere, et homines salvati mente et corpore congruam tibi exhibeant servitutem per virtutem Domini nostri Jesu Christi, per quem creata sunt omnia et perficiuntur universa, qui venturus est judicare vivos et mortuos et saeculum per ignem.

R. Amen.

Benedictio panis.

Orémus.

Domine sancte Pater omnipotens æterne Deus, benedicere ✠ digneris hunc panem tua sancta spiritali benedictione, ut sit omnibus sumentibus salus mentis et corporis, atque contra omnes morbos et universas inimicorum insidias tutamen. Per Dominum nostrum Jesum Christum, panem vivum, qui de caelo descendit, et dat vitam et salutem mundo, qui tecum vivit et regnat in unitate Spiritus sancti Deus, per omnia saecula saeculorum,

R. Amen.

Adspargatur aqua benedicta et fiat commixtio salis per modum crucis dicendo:

Hæc commixtio salis et aquae pariter fiat in nomine ✠ Patris et ✠ Filii et Spiritus ✠ sancti, ut prosit tam hominibus quam animalibus ad sanitatem.

Vox Domini super aquas, Deus majestatis intonuit, Dominus super aquas multas; homines et jumenta salvabis, Domine, quemadmodum multiplicasti misericordiam tuam, Deus; aperis tuam manum et imple omne animal benedictione.

V. Dominus vobiscum. **R.** Et cum spiritu tuo.

Orémus.

Deus invisibilis et insuperabilis imperii Rex, immensam pietatem et misericordiam tuam per sanctum et tremendum nomen Filii tui supplices

deprecámur, ut super has creatúras panis et aquæ bene ✠ dictionem tuam per poténtiam invisibilis operatiónis infúndas, et hómines páriter et juménta, quæ in usum et cómmodum hóminum cóndere dignátus es, cum ex eisdem accéperint vel gustáverint, hæc bene ✠ dictio et sancti ✠ ficatio salvet et a rábie et ab omni noxa et incúrsu maligno, te protegénte, custódiat. Per Christum Dóminum nostrum. *R.* Amen.

Orémus.

Præsta Dómine benedictionem ✠ copiósam super has creatúras panis et aquæ, ut fiant salúbre remédium tum homínibus tum béstiis advérsus rábiem omnésque maligni hostis insídias, et læsis ad recuperatiónem sanitátis, íntegris vero sanisque ad conservatiónem poténter et effícaciter proficiant. Per Christum Dóminum nostrum.

R. Amen.

Orémus.

Dómine Deus Pater omnipotens, per quem disponúntur ómnia, quæ ad usum vitæ possidémus, béne ✠ dic étiam has creatúras panis et aquæ ad effugándum inimicum arcendámque rábiem ab homínibus vel juméntis, et per virtútem gloriosíssimi nóminis Jesu Christi Fílii tui, quod cunctis malignis spirítibus est treméndum atque terríbile, hujus panis et aquæ usum ómnibus suméntibus salúbrem fac esse medicínam. Per eúmdem Christum Dóminum nostrum. *R.* Amen.

Orémus.

Deus qui labóribus hóminum étiam ex mutis animalibus solátia præbuísti: súplices te rogámus; ut sine quibus non álitur humana condítio, nostris fácias úsibus non períre. Per Christum Dóminum nostrum. *R.* Amen.

Subjungitur Oratio de S. Huberto.

Orémus.

Omnipotens sempitérne Deus, qui beáti et gloriósi Confessóris Hubérti Pontíficis et Patróni nostri méritis divérsos sæpe languóres morbósque depulísti: concéde propítius; ut cuncti qui ipsius implórant auxiliúm, ab infestatióne dáemonum, a subitánea et improvísá morte, a rábie et ab omni malo ac perículo ánimæ et córporis júgiter liberéntur. Per Christum Dóminum nostrum.

R. Amen.

Orémus.

Avérte, quæsumus Dómine, a fidélibus tuis cunctos miserátus erróres, et sæviéntis morbi (rábiéi) qui grassátur in animalia, depélle perníciam, ut quos suo mérito flagéllas devios, fóveas tua miseratióne compúctos. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

Benedictio super hominem pronuntianda, imponendo stolam capiti ipsius. (Si plures sunt, omnia dicuntur numero plurali.) Sacerdos versus hominem genuflectentem dicit:

V. Adjutórium nostrum in nómine Dómini.

R. Qui fecit cælum et terram.

V. Salvum fac servum tuum (salvam fac servam tuam).

R. Deus meus, sperántem in te.

V. Mitte ei auxiliúm de sancto.

R. Et de Sion tuére eum (eam).

V. Dómine, exáudi oratiónem meam.

R. Et clamor meus ad te véniat.

V. Dóminus vobiscum.

R. Et cum spírítu tuo.

Orémus.

Deus infirmitatis humanæ præsidium, auxilii tui super hunc famulum tuum (hanc famulam tuam) ostende virtutem, ut ope misericordiæ tuæ adjutus, (adjuta) Ecclesiæ tuæ sanus (sana) et a rabie incolumis repræsentari mereatur. Per Christum Dóminum nostrum. **R.** Amen.

V. Amavit eum Dóminus et ornavit eum.

R. Stola glóriæ induit eum.

Orémus.

Deus, qui animæ sancti Huberti Confessoris tui atque Pontificis perennem glóriam contulisti: concede propitius; ut cuncti, qui ipsius implorant auxilium, petitionis suæ salutarem consequantur effectum. Per Christum Dóminum nostrum.

R. Amen.

Stola imponatur; si adsint plures, binis et binis imponatur.

Per intercessionem sancti Huberti Pontificis et Patroni nostri liberet te (vos) Deus a rabie et ab omni malo corporis et animæ et perducat te (vos) in vitam æternam. In nómine Patris ✠ et Filii ✠ et Spíritus ✠ sancti. **R.** Amen.

Formula inscribendi in album confraternitatis

S. Huberti Patroni

si quis velit inscribi, quod tamen necesse non est.

Ante inscriptionem Sacerdos stola indutus dicit:

V. Adjutorium nostrum in nómine Dómini.

R. Qui fecit cælum et terram.

Orémus.

Actiões nostras, quæsumus Dómine adspirando præveni et adjuvando proséquere, ut cuncta nostra oratio et operatio a te semper incí-

piat, et per te cœpta finiatur. Per Christum Dóminum nostrum. **R.** Amen.

Post inscriptionem.

Orémus.

Omnipotens sempitærne Deus, qui beati et glóriosi Confessoris Huberti Pontificis et Patroni nostri méritis diversos sæpe languores morbósque depulisti: concede propitius; ut cuncti, qui ejus implorant auxilium, ab infestatione dæmonum, a subitanea et improvísá morte, a rabie et ab omni malo ac periculo animæ et corporis júgiter liberentur. Per Christum Dóminum nostrum.

R. Amen.

Oradiósa lampas supra candelábrum pósita, o méritis præcipuis ínclyte Huberte! per tua suffrágia, languéntium suscipiens vota, confer cunctis tibi devótis vitæ subsidia, ut per tua mérita evádere váleant insánias, morbos et cuncta pericula animæ et corporis. **R.** Amen.

Benedictio Dei omnipoténtis Patris ✠ et Filii ✠ et Spíritus ✠ sancti descéndat super te (vos) et máneat semper. **R.** Amen.

ADPROBATIO.

Revisione rite peracta, omnia cum originalibus concordare reperta sunt. In fidem etc.

Ex Secretaria Sacrorum Rituum Congregationis hac die 29. Novembris 1881.



Pro R. P. D. Placido Ralli, Secretario

Joannes Canonicus Ponzi, Substitutus.